

## IX.

JOANNES STIBERUS , qui cum novem annos officium procancellarii sive directoris cancellariæ gessisset , ad Cancellarii honorem adscendit , testimonio viri egregii *Pantaleonis Candidi*, antistitis quondam Bipontini , nobis laudandus. Hic enim in fine orationis funebris ipsi habitæ (a) his verbis Cancellarii vitam describit : „ Is autem , postquam „ in patria Binga & alibi a pueris ad timorem Dei , pieta- „ tem , & omnem honestatem vitæ & morum diligenter in- „ stitutus & educatus est , in literis & studio juris plurimum „ profecit. Et quia ab ingenio , industria & sapientia plu- „ rimum commendabatur , ab illustrissimo principe WOLF- „ GANGO inter intimos quosque receptus est. Cui cum pie- „ tatem & soleritiam suam in scribendo , agendo & consu- „ lendo aliquamdiu probavisset , ad Cancellarii non solum „ vices , sed & officium & dignitatem est evectus. Idque „ munus sedulo , circumspete & cum singulari authoritate „ gessit , & consilia sua ad ecclesiæ ædificationem & ad to- „ tius ducatus utilitatem direxit. Idem etiam inter præci- „ puos fuit , qui minoribus annis principis JOANNIS Bipon- „ tini ad gubernacula federunt , quorum opera Dei auxilio „ felix hujus ducatus gubernatio fuit & salutaris. Vir fuit „ non proceræ staturæ , sed tamen forma egregia & gravi- „ præditus , erga alias promptus & officiosus. Optimo amico „ & intimo usus est *D. Ulrico Sitzinger*o , ante ipsum Can- „ cellario Bipontino , viro , dum viveret , celebri & præ- „ claro de ecclesiis & scholis & duobus ducatibus Neobur- „ gienſi & Bipontino optime merito. Cum hoc , quod probe „ memini , familiarissime conversatus est , hujus sermonibus „ mirifice delectatus , hujus consiliis valde adjutus & insti-

M 3

„ tutus

(a) Quæ inter ejus orationes funebres ex Mose concinnatas ac Bi-  
ponti typis Casp. Wittelii an. 1610 VI excusas est XVI, p. 325-349.

\* \* ) o ( \* \*

„ tutus est. Illius suasu & opera , & hujus assensu atque  
 „ auxilio ordinatio ecclesiastica hujus & Neoburgensis duca-  
 „ tus concepta & in ordinem digesta est. Illius & hujus in-  
 „ stinctu schola Hornbachiana instituta & introducta est,  
 „ quæ tot jam annos multos doctos viros ecclesiis & scho-  
 „ lis ministros & politiis consiliarios suppeditavit. Horum  
 „ ego virorum *Sitzingeri* & *Stiberi* tanto honorificentius &  
 „ majori cum devotione commemini , quod ambo fideles  
 „ mei & benefici promotores a pueris mihi in his terris &  
 „ amici extiterunt. Et quanquam hoc tempore controversiæ  
 „ quædam ortæ sunt , de quibusdam formis loquendi , quæ  
 „ etiam has ecclesiæ aliquo modo perturbarunt: tamen Can-  
 „ cellarius hic *Stiberus* pro sua prudentia eam sententiam se-  
 „ amplecti professus est, quæ in libris ab ordinatione eccle-  
 „ siastica nostra nominatis comprehensa est , in quibus locos  
 „ communes *Philippi Melanchtonis* p. m. magni semper fecit  
 „ & plurimum commendavit. Hic igitur præclarus vir,  
 „ *Joannes Stiberus*, postquam vitæ cursum Dei gratia usque  
 „ ad annum ætatis produxisset , post paucarum septimana-  
 „ rum morbum placidissime decepsit. „ Haec tenus *Pantaleon*  
 „ noster. (b) Quod ad cetera ab ipso gesta attinet , videtur  
 „ *is Henricum Schwebelium* in conscribendo celebratissimo illo  
 „ testamento Wolfgangi ducis d.XVII Aug. CICICLXVIII Meis-  
 „ senhemii condito vel maxime adjuvisse ; quemadmodum dein  
 „ quoque cum *Schwebelio* adfuit actibus pactisque omnibus,  
 „ quæ illam familiæ Augustæ legem proxime consecuta sunt.  
 „ Idem effecit , ut quæ sub Ruperto duce Wolfgangi quondam  
 „ tute prælia prodierat ordinatio judiciaria curis secundis  
 „ emen-

(b) Qui etiam , cum carmine in laudem Joannis I, ducis L. IV p. 65.  
 sq. laudes virorum sub duce isto præstantissimo clarorum int. Sti-  
 „ beri mentionem hoc disticho fecit honorisicam :

„ In precioque duci magno fuit ipse Stiberus.

„ Corpore non magnus , sed honore & pectore magnus.

emendata & aucta Lauingæ ad Danubium recuderetur (c). Triennio ante ibidem quoque excusa fuerat ordinatio rei metallicæ in ducatu Bipontino. (d) Tandem adiicimus elogium sepulchrale, quod in Cancellarii nostri memoriam erectum fuit in templo primario Bipontino.

## D. O. M. S.

ANNO SALUTIS HUMANAЕ M. DLXXXV  
XIX KAL. JAN. PIE OBIT CL.  
VIR DOM. JOANNES STIBER, ILLUSTRIS-  
SIMI PRINC. BIPON. CANCELLARI-  
US AETATIS SUAE ANNIS LX MENSIB.  
IX DIEBUS IIII. EXACTIS.

JANUS SUB HOC STIBERUS ABDITUR SOLO  
SUIQUE VOX MANUSQUE FIDA PRINCIPIS  
QUEM VITA MORTI PRIMA DESTINAVERAT  
A MORTE VITÆ VENDICANS MORI ADSERIT  
LUGENT AMICI, CONDOLENTE REPUBLICA  
LUGET FIDES INTEGRITAS CONSTANTIA  
AMOR JUGALIS CARITAS MEMOR SIMUL  
JUBETQUE CONJUGEM JUBETQUE LIBEROS  
SAXUM HOC PONUNT BEATITUDINEM  
MARITO PATRI GRATULANTUR COELICA

DISSOLVI CUPIO TECUM QUO VIVERE POSSIM  
CHRISTE RESURGENTI LIMINA PANDE POLI,

Inter

(c) Untergerichtsordnung unser Wolfgang von Gotts gnaden Pfalzgräbns 2c. wie die hinsuro an allen Undergerichten inn vñserm Zweybrückischen Fürstenthumb observirt gehalsten werden soll 1568.

(d) Verordnung, wie es vff vñser Herzog Wolfgang 2c. Silber, Kupfer, Blei und Quecksilber Werkverken, in vñserm Fürstenthumb Zweybrücken gehalten werden solle. In truck gegeben vnd verfertigt MDLXV  
Getruckt zu Lauingen durch Emanuel Salzer,

Inter filios tres, quos novi, *Ludovicum*, *Utricum* & *Henricum*, secundus afferoris cameræ imperialis Spirensis magna cum laude obtinuit dignitatem; tertius vero consiliarii Neoburgici honore conspicuus fuit.



Quum hæc scripsisse, reliquum esse vidi, ut de Cancellarii nostri collegis quædam adderem. Curiæ magisterium tenuere tum *Christophorus Landschad a Steinach*, junior (a), cui discedenti successor filius *Johannes*, antea Vicegerens (b), tum qui huic etiam successor datus est *Wolfgangus Wambold ab Umstadt*, junior (c), qui officium illud administravit inde ab an. CICICLXXVIII ad finem usque LXXXIII. Anni autem insequentis initio jam dignitate hac prima ornatus videtur *Luterus Quad a Landskron*. Sed neque hic eandem ultra quadriennium tenuit. Inter consiliarios tandem eosque Ictos post Stiberum clari extitere *Henricus Schiwebelius*, cuius vitam statim

- (a) Quem scilicet eundem fuisse duxeramus cum *Christophoro Landschadio*, curiæ magistro 1538-1547, illum jam ab hoc distingendum esse nobis videmus. Qui superiori ista ætate magisterium tenuit, natus fuit *Bleckardo Landschadio a Steinach in Gundelsheim*, qui vero post *Wernherum a Zeiffheim* certe inde ab an. 1555 eundem locum in curia & aula occupavit, illius est patruelis ac filius *Johannis Landschadii*, supremi aulæ archipalatinæ magistri. Atque hic quidem *Christophorus* jam circa an. 1525 a nobis discessisse, neque nisi consiliarii sanctioris honorem retinuisse videtur. Obiit deinde in summa senectute d. 20 Sept. 1585.
- (b) *Johannes Christophori filius* primum proprincipis usque ad an. 1575 dein inde per tres annos magistri honorem administravit.
- (c) Patrem enim habuit cognominem, qui inter alia munera etiam *Meisenhemensem* praefecturam aliquamdiu tenuit. Mirum quantum notitiae *Humbrachtianae* in genealogia familie hujus nobilis æque & aliarum a nostris documentis discrepent. Sed hoc alio tempore disputabimus.

statim illustrabimus, & Gallus *Tuschelin*, vir excellentissimus, cuius memoria vel maxime meretur, quæ diligentius renovetur (d).

x

*Stibero Cancellario datus est successor HENRICUS SUEBELIUS f. SCHWEBEL*, illius jam a septendecim annis collega consiliorum & laborum fidissimus. Hujus autem viri tantæ fuere laudes, ut is, inter omnes, qui Cancellarii dignitatem quondam obtinuere summam, fere unus eum *Sitzingeri* comparari possit optimarum artium studiis rerumque civilium prudentia, imo eum uti vitæ curriculo, ita negotiorum & laborum multitudine superaverit. Itaque non solum sua ætate a laudatissimo quoque laudatus præconem inventi virtutis *Pantaleonem Candidum*, Polyhistorem olim Bipontinum & ecclesiarum antistitem, sed etiam hoc seculo meruit elogium, quod ipsi vir literatissimus *Georgius Christianus Joannis*, avus mihi nunquam non pie nominandus, conscripsit. (b) Liceat mihi igitur, tum hoc transcribere correctius auctiusque, atque notulis & avi & meis (c) illustrare.

N tum

- (d) Vide interea de viro isto *Freheri theatrum virorum eruditorum & Joecheri allgemeines gelehrten Lexicon*.

(a) In carmine amplissimo, quod scripsit in laudem *Johannis I comitis palatini Rheni ducis Bavariae, & Biponti &c. anno MDCIV die XII Augusti pie defuncti &c.* Biponti excud. *Caspar Wittelius anno MDCV*, L. IV, p. 66-68.

(b) In schediasmate de eruditis qui apud Bipontinos cum maxime per quinquaginta vel plures etiam annos officiis praefuere publicis memoriae *Jo. Abr. Rauschii dioeces. Lichtenberg. Antistitis & ecclesiae Baumholderensis reform.* per *LIIII annos Pastoris &c.* sacro Biponti 1714 edito, n. II, p. 10-15. Ad manus nobis est exemplar, ab ipso auctore curis secundis emendatum, quod sequimur.

(c) Quarum illas stellulis, nostras literis notatas distinguemus.